

重編增校張小山北曲聯樂府外集

任氏詞曲叢書第三種

元張可久小山著

任訥中敏重編增校

太常引

姑蘇臺賞雪

斷塘流水洗凝脂。早起索吟詩。何處覓西施。垂楊柳蕭蕭鬢絲。銀匙藻井。粉香梅圃。萬瓦玉參差。一曲樂天詞。富貴似吳王在時。

霜角

花屏春曉

以下八首。乃新安八景。

初日滄涼。海霞搖曙光。幾摺好山如畫。晴靄靄。鬱蒼蒼。衆芳雲景香。道人眠石牀。喚起南華夢蝶。鶯啼在綠垂楊。

練溪晚渡

淡烟微隔。幾點投林翮。千古澄江秀句。空感慨。有誰索。拍拍水光白。小舟爭過客。沽酒歸來樵叟。相隨到。許仙宅。

南山秋色

華蓋亭亭。向陽松桂榮。背立夜壇朝斗。直下看。老人星。地靈風物清。衆峯環翠嬴。千古仙山道氣。誰高似。許宣平。

王陵夕照

暮蟬聲咽。幾樹白楊葉。細細看雲嵐舊隱。遺廟在。表忠烈。翌結弓劍穴。苔花碑字滅。遠水殘陽西下。今人見。古時月。

水西烟雨

沙淺波平。孤舟長日橫。淡墨瀟湘入景。誰移向。富山城。淨名。疏磬聲。暮歸何處僧。明日披雲風頂。呼太白。賞新晴。

漁梁送客

浪花飛雪。船閣蒼雲缺。一片鷗鷺西照。檣燕語。柳絲結。話別情。哽咽。酒邊歌未闕。他日寄書雙鯉。順流過。釣臺月。

黃山雪霽

雲開洞府。按罷瓊妃舞。三十六峯圖畫。張素錦。列冰柱。幾縷。翠烟聚。曉粧眉更嫵。一箇山頭不白。人知是。煉丹處。

紫陽書聲

樓觀飛驚。好山環翠屏。誰向山中講授。朱夫子。魯先生。短檠。雪屋燈。琅琅終夜聲。傳得先儒道妙。百世下。以文鳴。

上小樓

九日山中

白雲與俱。青山無數。笑脫紗巾臥。品瓊簫。醉解金魚。盡一壺酒。再沽不。

知歸路。惜黃花翠微深處。

茅山書事

蕉風半箴。藤花一架。劍氣穿雲。丹光漏月。飯顆蒸霞。棗似瓜。酒滿罍。仙翁留話。鶴飛歸隱居松下。

湖上

松風滿身。蓮花古寺。涼月嬋娟。翠羽參差。小屋茅茨。酒醒時。爭賦詩。西湖清思。訪孤山愛梅處士。

春思

十五首。按末首是夏日湖上。應別列。

屏山倦倚。眉尖蹙翠。怪煞書遲。盼得人回。又怕春歸。繡枕推初睡起。憂心如醉。問西園海棠開未。

春光未歸。佳人沉醉。庭院深深。楊柳依依。燕子飛飛。玉漏遲遲。翠管吹。吹綠情紅意。月兒高海棠初睡。

荒園數畝。寒梅幾樹。廢口鳴蛙。疏籬吠犬。夜月啼烏。載乘輿。擗畫鼓。蘭
舟何處。泣西風。翠芳人去。東風酒家。西施堪畫。打令續麻。擲拍分花。傍柳隨花。不上馬。手斲把。傳
情羅帕。小紅樓斷橋直下。

寒潭玉龍。仙山么鳳。春斷南枝。人在西樓。笛怨東風。曲未終。酒不空。羅
浮仙夢。月黃昏。暗香浮動。

離愁自解。芳心無奈。燕驪金釵。翠冷羅鞋。鳳口瑤臺。春又來。花自開。蘇
娘何在。玉驄西湧金門外。

花開后土。鶴鳴仙柱。明月高樓。臨都老樹。落日平蕪。翠袖扶醉老夫。金
盤香露。教吹簫玉人何處。
紗本原作花開後
土此從勞氏校本

前程萬里。相思兩地。燕國天寒。吳江月冷。楚岫雲迷。繡幙圍錦帳。垂朱
門空閉。燕來也。那人歸未。

湘臯二妃。瑤池相會。不御鉛華。盡解紅衣。半露水肌。白鳳飛。翠蓋欹。玉簪斜墜。粉雲香一奩秋意。

誰家豔姝。天然洛浦。秋水芙蓉。春風笑語。道樣粧梳。爲交甫。解佩珠。花前相遇。紫雲深綵鸞先去。勞氏校本作綵鸞飛去。

寒食禁烟。尋芳人倦。仙墨銀箋。新詞羅扇。小袖金鞭。最可憐。信杳然。蒼苔庭院。想桃花去年人面。鈔本作口墨銀箋。勞氏校本作口墨銀箋。仙因改作此。

陽關畫圖。高唐詞賦。水遠魚沉。郎去蝶愁。月冷鸞孤。盡酒壺灑淚珠。長亭西路。鷓鴣啼夕陽紅樹。

雲萍蕩漾。楊花心性。半紙虛名。萬里修程。一樣離情。搗錦箏。合鳳笙。無心閒聽。爲相思玉人成病。

雲屏幾宵。華胥一覺。翠管聲乾。青鸞信杳。玉蕊香銷。蘇小小。張好好。千金買笑。今何在玉容花貌。

西湖晚涼。凭闌凝望。人過蓮船。橋橫柳浪。酒捲荷觴。雲錦張。水鏡香。波光搖蕩。驚絲兒釣魚磯上。

增

題釣臺

見小令

亭臺土花。江山圖畫。遁迹烟霞。罷念榮華。間別官家。泥布襪。上御榻。龍身偃亞。不輕了故人足下。

外集增

得勝令

失題

見殘元本
陽春白雪

銀燭照黃昏。金屋貯佳人。酒醉三更後。花融一夜春。恩情怕有些兒困。親親。親得來不待親。

錦橙梅

失題

見太和正音譜。

紅馥馥的臉襯霞。黑髭髭的鬢堆雅。料應他。必是箇中人打扮的堪描畫。顫巍巍的插著翠花。寬綽綽的穿著輕紗。兀的不風韻煞人也。嗟。是誰家。我不住了偷睛兒抹。

一枝花

以下套數。

湖上晚歸

見小令。北宮詞紀。作攔美人湖上歸。

長天落綵霞。遠水涵秋鏡。花如人面紅。山似佛頭青。生色圍屏。翠冷松雲徑。嫣然眉黛橫。但攜將旖旎濃香。何必賦橫斜瘦影。詞紀。生色作疎。

梁州

挽玉手留連錦裯。據胡牀指點銀瓶。素娥不嫁傷孤另。想當年小小。問何處卿卿。東坡才調。西子娉婷。總相宜。千古留名。吾二人此地私行。六一泉亭上詩成。三五夜花前月明。十四絃指下風生。可憎。有情。捧紅牙。

合和伊川令。萬籟寂。四山靜。幽咽泉流水下聲。鶴怨猿驚。詞紀作挽玉手留連靈舫。

又吾二人句作。咄。兩箇慢相邀。此地陶情。又有情作。乘興。又作幽咽泉流石上聲。太平樂府與小令首句。咽作英。

尾

岩阿禪窟鳴金磬。波底龍宮漾水精。夜氣清。酒力醒。寶篆銷。玉漏鳴。笑

歸來仿佛二更。煞強似踏雪尋梅灞橋冷。詞紀作更。那堪岩阿禪窟作金磬。波底龍宮漾水晶。又作

笑歸來仿佛有鼓二更。煞強如踏雪尋梅灞橋冷。

春怨

見北宮詞紀。

鶯穿殘楊柳枝。蟲蠹損薔薇刺。蝶搨乾芍藥粉。蜂蹙斷海棠絲。怕近花時。白日傷心事。清宵有夢思。間阻了洛浦神仙。沒亂殺蘇州刺史。

梁州第七

俏姻緣別來久矣。巧魂靈夢寢求之一春。多少傷心事。著情疼熱。痛口嗟咨。往來迢遞。終始參差。一簡書寫就了情詞。三般兒寄與嬌姿。麝臍

薰五花瓣翠羽香鉤。猫眼嵌雙轉軸。烏金戒指。獺髓調百和香。紫蠟胭脂。念茲在茲。愁和淚頻傳示。更囑付兩三次。訴不盡心間無限思。倒羞了燕子鶯兒。

尾聲

無心學寫鍾王字。遣興閑觀李杜詩。風月關情隨人志。酒不到半卮。飯不到半匙。瘦損了青春少年子。

春景

以下四套見
詞林摘豔

滾香綿柳絮輕。飄白雪梨花淡。怨東風牆杏色。醉曉日海棠酣。景物偏堪。車馬遊人覽。賞清明三月三。綠苔撒點點青錢。碧草鋪茸茸翠毯。

梁州第七

流水泛江湖暖浪。輕雲鎖山市晴嵐。恐無多光景疾相探。雕鞍奇轡。紗帽羅衫。珍饈滿桌。玉液盈罍。歌兒舞妓那堪。詩朋酒侶交談。喫的箇生

存華屋羊曇。興足竹林阮咸。醉居林甫曹參。放開酒膽。恨狂風盡把花搖撼。嘆陽和又虛賺。拚了醺醺飲興酣。于理何慚。

尾聲

紫霜毫入硯深深蘸。吟幾首鶯花詩滿函。一望紅稀綠陰暗。正遊人不
甘。奈僕童執轡。不由咱倦把驕驄轡頭兒攬。

夏景

薔薇滿院香。菡萏雙池錦。海榴濃噴火。萱草淡堆金。暑氣難禁。天地炎
蒸甚。閑行近綠陰。納清風臺榭開懷。傍流水亭軒賞心。

梁州第七

搖羽扇納涼避暑。卸紗巾散髮披襟。冰山雪鑑忘懷飲。盤盛橄欖。水浸
林檎。何愁蓋大。不懼甌深。會佳賓酒陣詩林。設華筵竹影松陰。白蓮藕
爽口香甜。錦鱗鱸著牙味深。水晶瓜薦齒寒侵。滿斟醉吟。今朝酩酊明

朝恁不喫後待圖甚。日月無情戀古今。休負光陰。

尾聲

傾殘竹葉千樽飲。摘下枇杷一樹金。深喜嬌娥見咱恁。紗廚用心。安排下簾枕。專等歸來醉時寢。

秋景

金風彫楊柳衰。玉露養芙蓉豔。竹輕搖蒼鳳尾。松密映老龍潛。殘暑淹淹。爽氣被樓臺占。稱情懷景色添。火龍鱗紅葉瀟瀟。金獸眼黃花冉冉。

梁州第七

別南浦雲飛畫棟。到西山雨灑朱簾。小槽酒滴珍珠醖。銀盤饌滿。寶鼎香拈。黃橙味美。紫蟹肥酣。趁蒼空天似白縑。翫清光月擁銀蟾。不學那愁默默呆漢江淹。只學那興悠悠詩仙子瞻。樂醺醺醉客陶潛。意快。意快。千鍾到手誰曾厭。我待把醉鄉占。不管衣襟被酒淹。無事拘鉗。

尾聲

賞心樂事休教欠。飲興吟懷似要添。醉倒樽前任君僭。將咱指點便嫌。勝似你紅塵路兒險。

冬景

青山失翠微。白玉無瑕玷。梨花和雨舞。柳絮帶風擗。撥粉堆鹽。祥瑞天原欠。豐年氣象添。亂飄濕僧舍。茶烟密灑透歌樓酒帘。

梁州第七

金盞酒羊羔滿泛。紅爐中獸炭頻添。蘭堂畫閣多粧點。錦茵繡榻。翠幕毡簾。鸞簫謾品。鼙鼓輕拈。唱清音餘韻淹淹。捧紅牙玉指纖纖。綺羅間蓋到休推。寶鴨內香殘再拈。玉壺中酒盡重添。況兼興快。金波潋灩霞光閃。接入手不辭厭。爲愛瓊瑤儘意瞻。賞玩休嫌。

尾聲

玄冥不出權獨占。青女三白勢轉嚴。酩酊甘心醉軀欠。見冰錐滿簷。瓊珠滿簾。全不把塵埃半星兒染。

粉蝶兒

春思

見詞林摘豔。北宮詞紀作春暮有懷。雍熙樂府作閨思。

花落春歸。怨啼紅杜鵑聲脆。遍園林景物狼籍。草茸茸。花朵朵。柳搖深翠。開遍荼蘼。近清和困人天氣。詞紀作近清。明困人天氣。

醉春風

粉暖倩蜂鬚。泥香沾燕嘴。遲遲月影上簾鉤。猶自未起起。爲想別離倦餘梳洗。暗生憔悴。雍熙樂府與北宮詞紀作泥香。衛燕嘴。雍熙又作粉暖侵蜂鬚。

迎仙客

獸爐香篆息。鸞鏡暗塵迷。繡牀幾番和悶倚。腕消金釧鬆。釵橫翠鬟委。屈指歸期。不覺的粉臉流紅淚。摘豔本作玉腕消金釧。博叙橫翠鬟委。此從雍熙與詞紀。

紅繡鞋

花飛盡空閒鴛砌。日初長靜掩朱扉。繫垂楊何處玉驄嘶。落誰家風月館。知那里燕鶯期。話叮嚀不記得。雍熙興紀
赴作花開

十二月

正交頸鴛鴦拆離。恰雙棲鸞鳳分飛。效比翼鸚鵡獨宿。樂于飛燕燕孤。悽傳芳信歸鴻杳。盼音書雙鯉遲遲。

堯民歌

呀。因此上美甘甘風月久相違。冷清清雲雨杳無期。靜巉巉燈火掩深閨。清耿耿離魂魂遶孤幃。傷悲。雕鞍去不歸。都只爲辜負了韶華日。雍熙興紀
傷悲兩字疊
末句無了字

耍孩兒

自別來無一紙真消息。日近長安那里。倚危樓險化做望夫石。暮雲烟

樹淒迷。把春心幾度憑歸雁。勞望眼終朝怨落暉。到此際愁無寐。昏秋水揉紅淚眼。淡春山蹙損了蛾眉。摘豔原作暮雲山烟樹淒迷。末句作淡青山蹙了蛾眉。此從雍熙與詞紀。

又二書三句內化做作化作。

一煞

想當初教吹簫月下歡。笑藏鬪花底杯。到如今花月成淹滯。月團圓緊把浮雲蔽。花爛漫頻遭驟雨催。落花殘月應何濟。花須開謝。月有盈虧。

爛漫。雍熙作燦爛。漫。詞紀作燦爛。

尾聲

嘆春歸人未歸。盼佳期未有期。要相逢料得別無計。只除是一枕餘香夢兒裏。

雍熙樂府卷六有一套即此處所載花落春歸闋思也。細玩文字。凡前後見于詞林摘豔之各套都粗疎不類小山之作。其詞雍熙雖多同軀。但未具名茲姑附見。竊待考證也。